



Sarajevo, 06.11.2019. godine

NAJAVA ZA MEDIJE

Četvrti sastanak Odbora za stabilizaciju i pridruživanje

Četvrti sastanak Odbora za stabilizaciju i pridruživanje između Evropske unije i Bosne i Hercegovine bit će održan u četvrtak, 07.11.2019. godine, u Sarajevu (zgrada Parlamentarne skupštine BiH, Trg BiH 1, sala 1/1) sa početkom u 8,30 sati.

Sastankom će kopredsjedavati Edin Dilberović, direktor Direkcije za evropske integracije i Michela Matuella, šefica Odjela za Albaniju i Bosnu i Hercegovinu u Općoj upravi Evropske komisije za politiku susjedstva i pregovore o proširenju.

Na sastanku će se razgovarati o provedbi Sporazuma o stabilizaciji i pridruživanju u oblastima pravde, slobode i sigurnosti, trgovine, industrije, carina i oporezivanja, poljoprivrede i ribarstva, unutrašnjeg tržišta i konkurencije, transporta, energije, okoliša, inovacija i socijalne politike.

Snimateljima i fotoreporterima će biti omogućeno da zabilježe početak sastanka Odbora. Edin Dilberović, vođa bh. delegacije i kopredsjedavajući na sastanku, izjavu za medije će dati u 13 sati. Nakon sastanka će biti distribuirano saopćenje.

Odbor za stabilizaciju i pridruživanje je jedno od zajedničkih tijela EU i BiH uspostavljenih u skladu sa Sporazumom o stabilizaciji i pridruživanju, a u svrhu praćenja njegove provedbe. Sastanci Odbora za stabilizaciju i pridruživanje se, u pravilu, održavaju godišnje, a prethode ciklusima sastanaka pododbora za stabilizaciju i pridruživanje.

O Odboru vidi više: http://dei.gov.ba/dei/bih_eu/zajednickatijela/default.aspx?id=20237&langTag=bs-BA.

Direkcija za evropske integracije BiH